

**DE VITA ET  
STUDIIS P.  
DANIELIS  
CONCINAE O.P...**

---

Vincenzo Maria Fassini,  
Lorenzo Capponi

198

397.13



P. F. DANIEL CONCINA O.P.  
THEOLOGUS ET CONCIONATOR EXIMIUS

*L. Capponi fecit*

Digitized by Google

DE VITA  
ET STUDIIS  
P. DANIELIS  
CONCINÆ  
O. P.  
COMMENTARIUS.

Curâ, & Studio

V \* \* \* \* \* F \* \* \* \* \*  
R \* \* \* \* \*



VENETIIS MDCCLXII.

---

Ex Typographia S. Thomæ Aquinatis.

*Superiorum permissu.* Digitized by Google





DE VITA, ET STUDIIS,  
P. DANIELIS CONCINÆ O. P.  
COMMENTARIUS.

**P.** DANIELIS CONCINÆ, Viri omnium sæculorum memoriâ dignissimi vitam rudi licet, incultoque calamo litteris mandare aggredior, honesto de Ordine Præd., cujus ingens fuit lumen, & ornamentum, aliquantillum saltem pro virili benemerendi studio incensus. Natus est is honestis Parentibus *Petro Concina*, & *Pasqua Cecconi* in Dicecesi Concordiensi decimâ Octobris die S. Ludovico Bertrando Ord. Præd. sacrâ A. Æ. CH. MDCLXXXVIII., Patriamque habuit *Clauzetum* ( vulgò *Clauzet* ) Provinciæ Forojulienſis Pagum, in quo jus dicunt *Savorniani* Patritii Veneti, sexto lapide, ut accepi, a S. *Daniele* ejusdem Provinciæ illustri Oppido, unde præter alios ex literis claros, prodiit *Justus Fontaninus* Archiepiscopus An-

cyranus. Sex filii ex laudato conjugio orti sunt. Horum natus maximus non multos annos inter Mortales egit: *Daniel* autem, cujus gesta exordimur, secundo loco genitus est: huic succedit Nicolaus, *Leonardus* antea dictus, qui Ordinem prædicatorum ingressus, vir doctus evasit, & Metaphysicæ Senatus Veneti Edicto in Patavino Gymnasio sexennio docuit; ubi & *Petrus* ejusdem Frater Theologi Doctoris nomen, & insignia sumpsit: sequitur *Jacobus*, qui domui regendæ admotus, eidem & honoribus, & opibus illustrandæ sedulam operam ponit; *Balthassar* denique natus minimus, Fratribus, quos *Conventuales* dicunt, adscriptus, vel viridi ætate in fata concessit. His prælibatis, ut Danielis institutionem repetamus, hic præstans a natura ingenium ( quod & cæteris ejusdem germanis Fratribus concessum est ), optimamque ad omnia comparatam sortitus indolem, utrumque excoluit *Goritiæ* sub regimine P. P. S. J.; quumque ætatis suæ annum attigisset vigesimum, religiosum vitæ propositum arripere, Mundoque, a quo non modicos sibi poterat polliceri progressus, illudere constituit. Anno igitur 1707. Dominicanum amplexus est Institutum in Monasterio SS. *Martini*, & *Rosæ Conelliani* Venetæ B. *Jacobi Salomonii* Ordinis Prædicatorum Congregationis, quæ plures omni virtutum genere excultos alumnos extulisse lætatur. Evoluta tyrocinii tempore, instituentem P. *Angeles Rosa* Lucensi singularis probitatis homine, ibidem solemnibus votis se Deo obstrinxit A. insequenti Decimo septimo Kal. Aprilis

lis, retento *Danielis* nomine, quo lustrice in fonte fuerat appellatus. Philosophiæ exin incubuit, P. *Sebastiano Baità* præceptore usus; Theologiam verò hausit Venetiis in Collegio SS. Rosarii præeuntibus P. *Dominico Andreussio* optimarum artium cultore, & *Joanne Alberto Zanchio*, rudèque donatus mense Junii 1716., & Philosophiam, ac Theologiam docendi munere sibi concredito, utramque facultatem primò in Civitate *Forojulii*, Theologiam verò denuò Venetiis solerter omnino, utiliterque professus est. Verùm divinæ Providentiæ consilio, scholasticis exercitationibus dimissis, Ecclesiastem agere incepit, iis instructus dotibus, quas in aliis optare quidem fortasse poteris, æque reperire vix poteris. Eminens Theologiæ scientia, ardens animarum studium, eximia pietas, vox perquam sonora gestus moderatus, & gravis, Rhetorices ars quasi familiaris, ac veluti a naturâ insita ipsi Concionatoris fecundissimi, nostroque ævo celeberrimi nomen brevi promeruere; omnibusque proinde omnia factus, augustiores Italiæ suggestus conscendit. *Roma* septies evangelice dicentem, & Christum, huncque Crucifixum, validè, ac firmissimè prædicantem excepit. In Bononiensi quoque Urbe, frequentissimo semper populo conveniente, cœlestia æternarum Veritatum verba effudit. A. 1727., auscultante sæpius etiam tunc ibi Apostolicæ Sedis Legato magni nominis S. R. E. Cardinali *Thoma Ruffo*, qui par humanitatis officium Concinae præstitit, quum Ferrariensis Antistes existeret. Ubicumque verò diceret, ita ad audiendum al-



liciebat, ut amplissima *Neapolis*, *Florentiæ*, *Venetiarum*, *Mediolani*, *Veronæ*, *Patavii*, *Cremae*, *Pisauri*, aliarumque Urbium & auctoritate, & hominum multitudine præstantium, nedum complerentur, verum & auditoribus excipiendis vix templa sufficerent; & ne diuturnâ, ac inutili prorsus fatigatione confluentis Populi turbâ detineretur, habendæ concionis horam quandoque coactus est prævenire. Castâ, & intemeratâ dicendi ratione utebatur, nec fucosis, adulteratisque mollioris eloquentiæ figuris, & modulis, sed solidis sententiis, efficacibus verbis, rationumque momentis, Christianorum animos percellebat, & commovebat, voluntates magis impellere, quam aures demulcere peroptans. Vitia vehementer insectabatur, nec ab increpationibus cessavit unquam, nisi aliter emendationis ratio suavisset. Hinc & veri, summique Oratoris laude fruebatur, & uberes in horreum Domini fructus inferrebat; se tamen ubique, ceu *inutilem servum*, juxta Christi monitum, prædicare non erubuit. Ergo apostolico munere ad clariores Italiæ Urbes delatus, selectasque Bibliothecas perlustrans, quamplures demiratus est Codices, aut parum, vel nihil rectæ vitæ instituendæ accommodatos; quum iis temporibus viveret, quibus sinceræ morum regulæ, ac pleraque christianæ disciplinæ capita tristem, deformatamque faciem præferre videbantur. Ad hunc sanæ doctrinæ tradendæ modum sibi jam pridem non arridentem, corrigendum, emendandumque, tempus a sacrarum concionum

v

laboribus vacuum ( nec illud fane modicum ) infumere decrevit. Multa proinde publici juris fecit ( impellente, & ut ajunt, calcaria addente illustri Præposito Placentino D. *Alexandro Mantegatio* ) quibus monasticam disciplinam ad primævam formam instauravit, incredulorum insaniam profligavit, ecclesiasticarum legum vim sustinuit, Romanorum Pontificum decreta explanavit, prudentissimas præstituit ex SS. PP. leges, ac regulas, quibus in contractibus, aliisque negotiationibus ab usura caveretur; nec non adversus pravas de scœnore opiniones firmavit Catholicæ Ecclesiæ doctrinam, quam Pastor Delphensis, & schismaticæ ultrajectinæ Ecclesiæ Pseudo-Canonicus *Nicolaus Broedersen* elevare tentaverat, ac impia *Calvini*, *Salmasii*, *Molinæi* placita renovare. Utque apertiozem adhuc, clariozemque zeli sui Concina exhiberet imaginem, ingenii vires colligens, *Theologiam Christianam* XII. in tomos tributam conscripsit, eamque tanquam Ecclesiæ Hierarchæ *Benedicto XIV.* sanioris doctrinæ assertori, ac vindici præclarissimo consecravit; Doctõris Angelici, cui addictissimus erat, exemplo ductus, qui cœlestis sapientiæ suæ radios aureâ deinde *Theologica Summâ* conclusit. Pontificis jussu Christianam hanc Theologiam ad severam exegere amussim perspicacissimi viri, & vel ipsis apicibus lente, fastidiosèque cribratis, ne unam quidem, aut æquo rigidiozem, aut plus æquo laxiozem offenderunt sententiam. Hanc ergo ceu purum, putidumque rigorismum ineptissime

quidam traducunt. In ea purioris Ethices dogmata admirari licet, ut & in cæteris ab eo editis elucubrationibus, Laxitatibus bellum indicitur, erroneæ opiniones deteguntur, via denique ad pie, beateque vivendum tutò designatur. Quoad methodum spectat, hæc familiaris est, eamque toto vastissimo in Opere pari simul cum eruditione, non dissimili gravitate custodit, siue aliorum opiniones oppugnet, siue proprias stabiliat; ut scite notat *Jo. Antonius Ponce* Ordinis Minimorum doctus Theologus. Ex sacris divinorum eloquiorum fontibus primò argumenta depromit, inde SS. Patrum, quos verbi Dei scripti interpretes colit Ecclesia, sententiis accommodatissimis firmat, roborat, & elucidat; postremo rationibus, iisque & lectissimis, & validissimis utitur, quibus quum summam addiderit eruditionem, zelum apprime demirandum, & cælestem quandam unctionem, quæ vel ipsa duriora corda emollit, opus effecit auro, cedroque dignum, ut jure dici possit tot admiratores habere, quot lectores; si eos excipias, qui proni in animorum affectiones, Probabilismum sectantur. Summo plausu ubique excepta Conciniæ Theologia, studiose conquistata, celebriorum hominum præconiis commendata, atque ad extremas Europæ oras delata, pluries recudenda fuit, ut communibus votis fieret satis. Id quod *Henrici Henriquez* Neapolitani Cardinalis amplissimi studiosa cura, & diligentia comprobavit, qui pro sua pietate, & amore, quo in Conciniam ferebatur, quum apud Hispaniar. Regem A-

*postolici Nuntii* munus obiret, ultra mille exemplaria longe, lateque diffudit; offensis dumtaxat, licet immerito, quibusdam viris, ceteroquin doctissimis, qui Concinam ad R. P. detulerunt, ceu qui in eo Theologico cursu elaborando, piis, probisque Theologis detraxisset, inhibendum propterea contendentes; ast prorsus incassum. Verum crebrarum expostulationum Pontifex pertæsus, Concinae suavit, ut *protestationem*, quam ipse dictavit, publici juris faceret; sicque adversariorum parum æquas eluderet querimonias. Quæ quamquam leviores in suspicionem fortasse possit adducere, cordatos tamen homines, quorum iudicium exposcendum est, nihil movere, ipsa adversariorum ingenua confessio demonstrat, (1) ut ea interim omittam, quæ de hoc argumento nervose, & valide, etiam nuperis hisce diebus eruditi Auctores evulgarunt. Pro veritate tuendâ cum in hoc Opere, tum in aliis firmissime assertâ, semper stetit infractus, pectorisque sui constantiam, & fortitudinem nec leviter dimovere potuerunt calumniæ, contumeliæ, scommata, quibus sine scœnore, ejus famæ nomen perstringere conati sunt. At ipse ubi recentiorum Casuistarum opiniones refutare aliquando opportunum censuit, id eo fine, & consilio præstitisse cognoscitur, ut vitiis hominum, eorumque erratis, non hominibus ipsis bellum indiceret; hocque ex laudata Protestatione colligere quis facile potest: ea verò, quæ

Adversariis duriuscula visa sunt, fervido ipsius ingenio, non animo in quemquam malevolentia suffuso non incongrue assignaveris: extremo enim in agone interrogatus, num in tot conscriptis Operibus quidquam forte altercandi actus prurigne protulisset, Crucifixi comprehensa imagine, ad solius Catholicæ Ecclesiæ utilitatem, Animarumque Christi sanguine redemptarum salutem testatus est edidisse. Ejusmodi itaque Orthodoxorum commodo datis munimentis, ulteriora, eaque ampliora exhibere nunquam destitit, ac novum monstrum aggressus, confodiendum assumpsit, Theatra scilicet impudica, scelerum omnium, vitiorumque gymnasia. Hanc gravissimam perniciem e christiana hominum societate eliminare gestiens, hortante nunquam satis laudato Benedicto XIV., Opus conscripsit de *Speâculis Theatralibus*, eaque Christiano cuique tum laico, tum clerico vetita esse solide monstravit. Prodiit sub auspiciis invictissimi Archiepiscopi *Andree Majoral*, qui Valentinum scenarum Theatrum satis amplum solo æquari obtinuerat; ejusque exemplum non pauci Episcopi fuerant imitati. Huic propterea Lucubrationem suam Concina inscriptam voluit, ut quem Hispaniæ Præsules Antesignanum habuerant, eo ipse Meccenate gloriaretur. Lætanter excepit Concinae labores redivivus ille Chrysostomus, tantumque fructus allaturos cognovit, ut datâ ad Concinam Epistolâ quintodecimo Kalendas Januarii Anni 1752. etiam cætera Hisp. Theatralia spectacula expungenda

da esse ominatus sit: „sic etiam ( ait ) effi-  
 „ caciâ tuorum hortatum in cæteris Hispa-  
 „ niæ diœcesibus idem continget.....præfer-  
 „ tim cum jam antea in Diœcesibus Hispalensi,  
 „ Cordubensi, Calaguritana, Conchenſi, Palen-  
 „ tina, & Illerdenſi ( cujus rei notitiam li-  
 „ benti animo Tibi futuram eſſe conjicio ) The-  
 „ atralia ſpectacula omnino expuncta ſint, &  
 „ repulſa„. Quum verò tot plaufibus ejus O-  
 pera exciperentur, non ita ſibi de iis blandie-  
 batur Concina, ut aliena reſpueret, ſed Chri-  
 ſtianæ Reipublicæ utilitatem unice contuens,  
 illorum Opera recudenda curavit, quorum le-  
 ctione uberes fructus doctrinæ morum cultor-  
 es percepturos agnovit; adeoque a Typographis  
 Venetis, ut imprimerentur obtinuit, egregia Vo-  
 lumina *Joannis Pontasii* Pariſienſis Juris Cano-  
 nici Doctôris, *Jacobi Beſombes* Doctrinæ Chri-  
 ſtianæ ſæcularis præſbyteri, & *Pauli Gabrie-  
 lis Antoine* S. J. His ingenii, & zeli ſui ar-  
 gumentis toties exhibitis, immortalẽ ſibi fa-  
 mam, non mendacem comparavit, acceptus pro-  
 inde Regibus Principibus, Ordinis Moderato-  
 ribus; magnique ſemper eſt habitus ab exi-  
 miis pene totius Europæ Viris; quorum alii  
*Virum incomparabilem* appellarunt, *gentiumque*  
*Apoſtolum*; (2) alii *Chriſtianæ Moralis Redempto-  
 rem*; alii denique effuſis laudibus exornarunt:  
 Purpurati inſuper Senatus Patres in ſui admi-  
 rationem, ac benevolentiam pertraxit; quorum  
 plures ejus operâ, & ſtudio in arduis negotiis  
 uſi

(2) *Auguſt. Spin. in epiſt. ſeptimo id. Septemb. glæ*  
 1752. mſſ.

usi sunt; plures, quum postremis annis Romæ versaretur, sibi familiarem esse voluere, suâque dignati sunt consuetudine. Sed instar omnium memorare sufficiat *Benedictum XIV.* Pontificem sapientissimum, & priscis Ecclesiæ Patribus comparandum. Is viri sapientiâ, & eruditione permotus, Congregationi Cardinalium Theologum, & Consultorem adjunxit, in perarduis disciplinæ quæstionibus quid Concina sentiret avide sciscitabatur, peramenter audiebat, libentissime probabat. At Pontificis æquitas, & amor tum maxime enituit, quum non solum privatis Epistolis, quibus alserebat *se quæ ejus doctrinâ, ac libris delibaverat executioni mandare*, (3) eum commendavit, sed etiam quum *famoso libello* nomen viri honorificentissimi in summo discrimine constitutum agnosceret, summâ justitiâ, & supremâ suâ auctoritate vindicavit, eumque publico *diplomate* hortatus est, ut calumnias parvi faceret, susceptaque studia Ecclesiæ catholicæ adeo proficua strenue prosequeretur. Egregium sane opus immortalitate dignum! Nec solum Ecclesiæ, sæculique Proceres sibi devinctos habuit, verum & præcipuos Italiæ nostræ viros doctrinâ, & eruditione præstantes coluit; videlicet Angelum M. *Quirinium*, Dominicum *Passioneum*, & Josephum Augustinum *Ursium* doctrinâ, & dignitate Eminentissimos; Joannem *Lamium*, Petrum Franciscum *Foggium*, & Joannem *Botarium* Florentinos, Ludovicum Antonium *Muratorium*, Scipionem *Masse-*

(3) in *Epist. ad Conc. mss.*

*fejum*, Augustinum *Spinula* Savonensium Antistitem, *FF. Ballerinos*, Ægidium *Giuli S. J.*, Joannem *Cadonici*, P. Constantinum *Rotigni*, P. *Luciardi* in regio Athenæo Taurinensi Theol. moralis Professore, Philippum a *Carboneano*, cæterisque memoriæ nostræ non occurrentibus prætermiſſis, immortalis memoriæ hominem *Apostolum Zenum* Historicum, Poetamque Cæsarem, qui Venetos Sanctissimi Rosarii PP. eorum moribus, ac vivendi ratione illectus, & sui cinerum, & Bibliothecæ, editorum, manuscriptorumque Codicum numero selectissimæ, hæredes scripsit. Quum verò universum pœne Orbem Doctrinæ suæ admiratorem videret, ac vindicem, minime elatus est Concina, sed inclitâ religiosi animi virtute, suspiciundâque moderatione, ipsâ suâ famâ visus est major. Honores semper abhorruit, religiosæque humilitatis tenax, supremam Congregationis præfecturam a Supremo Ordinis Moderatore *Thomâ Ripollio* oblatam modeste recusavit. Rudibus catholicæ fidei arcanis imbuendis se per plures annos ita studiose, amanterque addixit, ut hocce officium aliis muneribus, honoribusque constanter prætulit. Regularis disciplinæ fuit assiduus, & eximius cultor; multique rigidioris vitæ studio, vel ipsius hortatu, vel suorum Voluminum lectione ad religiosorum hominum Conventus convolarunt; alii, ut securioris vitæ institutum amplecterentur, vel ex ipsa Lusitania ad Italorum austeriora cœnobîa se contulerunt. Ordinis legum apices usque ipse fideliter custodivit; & quum ætatis, & studic-



rum causâ sibi aliquatenus posset indulgere, id sibi dari nunquam permisit, quod in aliis remitti ipse non sineret; Quare perpetuam carniû abstinentiam, licet imbecilli valetudine semper affectus, nunquam intermisit, consueta jejunia a Sanctissimæ Crucis Exaltationis festo ad Pascha usque, etiam itineribus fessus, servavit; imo postremos ferme viginti dierum suorum annos perpetuo jejunio definivit. Durior itaque parcissimæ mentis disciplina, jugesque demum lucubrationum vigiliæ adeo tenerum corpus afflixerant, ut musculorum dorsi, ac manuum paralyti correptus, serò nimis *Lucam* commigraverit thermalium aquarum beneficium experturus. Florentiâ iis adhibitis, Venetias redux, A. 1755. exeunte, vitioso correptus est rheumatis ad pectus affluxu: at peritissimi Archiatri studio visus est convalescere. Verum novo accessu invadente paucis interjectis mensibus, decumbere in lectulo coactus, jussusque est; vixque discrimen vitæ imminere persensit, quum statim Ecclesiæ Sacramenta enixè efflagitavit. His devotissime susceptis, Sacroque Oleo delibutus, Ecclesiæ preces pro in agone constitutis sibi recitari petiit, & clara omnino voce, promptoque animo respondit. Post hæc Sodales suos circa ipsum deflentes monuit, ut consuetum ad Deiparam Antiphonæ *Salve Regina* Cantum inciperent; & ad ea verba *O Pia, o Dulcis Virgo Maria*, erectis in cælum luminibus, placidissime in osculo Domini obdormivit horâ XVI. X. Kalend. Martias MDCCLVI., ætatis A. LXIX. dignus profectò ut æternum viveret, qui dum vixit

vixit haud peritura exhibuit monumenta virtutum. Staturâ corporis æquâ, & decenti fuit, acie hilari, ac tranquilla, ut serenâ quadam comitate occurrentium animos alliceret; facie pene rotundâ, colore purpureo, oculis vividis, fronte satis latâ, crine subrubido. Emicuit in eo perspicacitas ingenii summa, iudicium acre, ac solidum, pertinax fere quotidianum 12. hor. studium, tribus maxime postremis lustris, tenacissima memoria, ampla Patrum, illustriorumque Theologorum eruditio, mira cum latine tum vernacule dicendi, scribendique facilitas, quam cum incorrupta doctrina, & mirâ perspicuitate sociavit. Præclarâ excelluit humilitate, sincerâ Religione, pietate eximiâ, summâ morum suavitate; Vir denique fuit Dominicanæ Instituti ornamentum, morum doctrinæ acerrimus assertor, Ecclesiæ fidelis minister, sincerissimo, veroque animarum zelo succensus, & de Ecclesia, deque Republica Litteraria optime meritis. Tanti viri merita celebrarunt digniores, probatioresque Patres in Comitibus generalibus Romæ 1756. „ P. F. Daniel Concina in S. Danielis Provinciæ Fojulienſis Oppido natus, (4) atque in Venetam nostram Congregationem vigesimo ætatis anno cooptatus, colendæ, propagandæque virtutis studio floruit singulari. Nam quum continenter præsentem animo gereret cogitationem rerum æternarum, non solum vitæ suæ graviter, sanctæque moderabatur, sed homines etiam reliquos, & scribendis libris,

„ quos complures edidit, & assiduīs concioni-  
 „ bus incendere conabatur. Quo in munere  
 „ tantā cum laude est versatus, ut ab illu-  
 „ strioribus Italiæ Civitatibus certatim evo-  
 „ caretur, & amplissima sæpe templa non ca-  
 „ perent multitudinem auditorum. Ab hono-  
 „ ribus maxime alieno fuit animo; discipli-  
 „ næ autem Ordinis, in primisque parcitatis  
 „ in omni genere studiosissimus, laborum ve-  
 „ ro sic patiens, ut supra nihil fieri posset.  
 „ Tali modo cum novem, & sexaginta vi-  
 „ xisset annos, perpetuoque fecisset quæ do-  
 „ cuerat; anno denique MDCCLVI. X. Ka-  
 „ lendas Martias, eximiis editis exemplis vir-  
 „ tutum, æquo, placidoque animo decessit. „  
 Præstantissimi viri, omnique laude majoris Da-  
 nielis Concinæ vitæ, ac studiorum schediasma  
 adumbrasse sit satis; nam vivis coloribus ejus  
 imaginem doctiori, elegantiorique stylo ex-  
 primendam relinquo, uberiores enim, accu-  
 ratioresque gestorum, scriptorumque chrono-  
 taxim ab iis licet expectare, quorum interest  
 ornamenta familiæ, posterorum memoriæ deman-  
 dare.



ILLUSTRIUM VIRO<sup>rum</sup> 207  
 DE DANIELE CONCINA  
 JUDICIA, AC TESTIMONIA.  
 BENEDICTUS XIV.

In Encyclica *Libentissime*.

Tom I. Bullar. pag. 523.

**N**on defuerunt præstantes inter Italos Theologi, qui literas nostras apostolicas datas 1741. egregiis commentariis illustravunt. Idem contigit responso, quod fecimus Archiepiscopo Compostellæ die 8. Junii 1744. quod sane integrum suis libris præfigendum curarunt.

Hic librum indigirat Pontifex, cui Concina titulum fecit. *La Disciplina antica, e moderna &c.* In quo ipsius constitutiones Nos ambigimus, & in *suprema*, referuntur, & doctis observationibus illustrantur. Responsum verò ad Archiepiscopum Compostellanum absoluto complexus est commentario.

I D E M

In Aureo Opere de Synodo Diocesana,

lib. X. cap. 3. n. 2. pag. 349.

*Ea admixtio, seu carniū unā cum piscibus comestio... ob adjunctum scandalum, a quo vir sejungi poterat, jure ac merito etiam sub pœna excommunicationis fuit in præfatis Synodis interdicta: quemadmodum bene ponderat Da-*

niel Concina Ord. Præd. Theologus in suo  
*Commentario Theologico in præfat. ad postulata*  
*Archiepiscopi Compostellani §. 1. n. 50.*

P. JOANNES ANTONIUS PONCE

ORD. MINIMORUM HISP.

*In Apologia duarum priorum Epistolarum P. Di-*  
*nelli Editionis Matritensis: extat etiam*  
*in 3. Epistola Venetæ Editionis.*

*Quid aliud amabò Danielis Concinae studium?*  
*Quæ alia tanti Viri contentio? Quis in tot, tam-*  
*que præclaris editis a se libris scopus alius? Ni-*  
*si ut jura omnia, legesque omnes, quibus hu-*  
*mana ratio regenda, mores hominum moderan-*  
*di, quibus Christiana Respublica continenda, u-*  
*niversaque Dei Ecclesia ornanda, & illustran-*  
*da est, nativæ puritati restitueret, ac propriæ*  
*rectitudini, qua per se potiuntur, modis omni-*  
*bus redderet?..... norat integerrimus hic Vir*  
*Zelo religionis succensus, corrigendorumque mo-*  
*rum desiderio flagrans..... noverat hæc, in-*  
*quam, gravissimus Theologus, quem Danie-*  
*lem Concinam intelligi volo... quid hæc, at-*  
*que alia infelicitis conditionis hominum damna,*  
*animarumque incommoda secum sedulâ medita-*  
*tione versans piissimus Theologus? Quid in-*  
*quam salutis hominum cupidissimus faceret?*  
*Taceret ne? dissimularet ne? Forjan aliquantis-*  
*per tacuit, ut conceptum sermonem opportunius*  
*depromeret, ut altius sine cessatione clamaret,*  
*& quasi tuba exaltaret vocem suam vocem, uti-*

*que salutarem ; vocem revera Evangelicam ,  
Deique Ministro dignam . Clamavit tandem  
pravos hominum mores objurgando , vitia quæ-  
que ardentè sugillando , deviantes ei verò opi-  
niones nervosè refutando , indulgentes jussu ni-  
mis libertati studiosè coercendo , divinis , huma-  
nisque legibus , modo quoque vim importantes ,  
aut earum nitorem deturpantes , solidè refellen-  
do : hæc , aliæque id generis , ut præstaret , tot  
conscriptis libris clamavit : neutiquam vero , ut  
Christianos scriptores injuriis appeteret , salibus  
morderet , conviciis lacefferet ; non ut Catholi-  
cos Magistros erroris notâ inureret ; aut doctos  
viros censurâ ullâ gravaret : vitiis quippe ho-  
minum , eorumque item erratis , non hominibus  
ipsis bellum indixit ,*

## EUSEBIUS A QUINTANA HISPANUS.

### CLERICORUM MINORUM HISPAN.

*Doctor Complutensis , & Regius Orator . In  
censura Epistolarum P. Dinellii  
Edit. Matritensis .*

*Supremo jubente Senatu , legi epistolas &c. ,  
& certe affirmo , secundam post primæ iteratam  
impressionem , non modò posse denuo cudi &c. ,  
sed etiam , ut mea fert opinio , iterum , ite-  
rumque vulgandam , ut sartus , tectusque sit pi-  
entissimi , doctissimi Theologi ( Danielis  
Concinæ ) honor , & , quod caput est , ut Opus  
auro , cedroque dignum , qualis habetur lau-  
data Theologia Christiana , fugatis alienis nebu-*

*lis, splendidior luce perfruatur. Istud est clamante conscientia iudicium meum. Sic sentio coram Deo, & sic pro veritate profiteor coram hominibus.*

## THOMAS ANTONIUS DE EMALDIS

*Benedicto XIV. quondam ab epistolis latinis.*

*In censura operis In Epist. Benedicti XIV. &c.*

*Decretalem Epistolam &c. commentatus est eruditissimus Vir Daniel Concina ex Domini-  
cana Familia, non tam sacrarum concionum laude, quam multiplici librorum editione in  
Litteraria Republica clarus.*

## P. JO. LAURENTIUS BERTI FLORENT.

ORD. EREMIT. S. AUGUSTINI

*Bibliotheca Angelica Praefectus, nunc Historiae  
Ecclesiasticae Professor in Lyceo Pisano  
& S. C. M. Theologus.*

*In censura Operis Usura contractus Trini.*

*Ut fere omnia, quae spectant ad contractus, maxime usurarios, juxta inconcussam, doctissimamque doctrinam expediret Vir integerrimus, Orator eloquentissimus, & de Morali Theologia optime meritus P. Daniel Concina Ord. Praed., praeter alia complura ingenii sui monumenta, summo studio conscripsit &c.*

P. ANDREAS GALLANDIUS VENET.

ORATORII CONGREG. ALUMNUS, *lv?*

Sub eminentito nomine *Andreae Grandorgæi*. In  
Annot. ad Catalog. Operum Lud. Ant.

*Muratorii*, præfixum ejusd. libro, *De Moderatione ingeniorum* &c. Pag. xliii.

N. xxxv. Typis Venetis Joannis Baptistæ Pasquali.

*Vix annus intercesserat ab editione Operis de superstitione vitandâ ; quum in Muratorium, perinde ac si emittens illud in lucem, classicum cecinisset ad acre bellum perurgendum, complures in ipsum insurrexerunt Scriptores, in primis verò Panormitani, quorum proinde opuscula refutare aggressus est noster Auctor, has Epistolas sub nomine Ferdinandi Valdesii evulgans ; in quibus quidem edendis usus fuisse fertur operâ, & consilio R. P. Danielis Concinae, Viri doctissimi, & supra laudes, cujus etiam obstetricante manu in lucem emissum fuerit alterum ipsius Opus, modo memoratum de superstitione vitandâ.*

## IN EXCERPTO

*Totius Italicae, nec non Helveticae Literaturæ,  
pro Anno 1758. Tom. 2. pag. 205.  
in Elogio BENEDICTI XIV.*

*Quum Compostellæ Episcopus, in Decretis Pontificis de jejuniis A. 1741. promulgatis, hæveret, suavi eruditionis apparatus scrupulos exemit : hæc*



*ipsa responsa Daniel Concina, cujus judicio, in rebus ad doctrinam moralem spectantibus, Pontifex multum tribuebat, Commentario edito, persecutus est.*

## ANGELUS FRANZOJA

COLLEGII PATAVINI DOCTOR THEOLOGUS.

*In Theologia morum P. Herm. Bussembaum ad trutinam revocata &c. Bononiæ (Veni- tiis) 1760. Procurante Simone Occhio. Pag. xii. Præfat.*

*Verum hic silentio prætereundus non est P. Daniel Concina Ord. Præd. obs. vir integerrimus, & Theologus sanæ doctrinæ, & vastæ eruditionis laude eximius, cujus ego laboribus valde usus sum, cuique hoc meum qualecumque Opus plurimum se debere profitetur. Hic solidæ Theologiæ acerrimus Assertor, ac imperterritus probabilium Opinatorum malleus, multas, gravesque a suis Adversariis vexationes, contumelias, calumnias passus est; sed ejus gloriosum nomen ab Eusebio Eraniste Theol. doctissimo, egregie defensum, & jure illustratum, adeo his obscuratum non est, ut apud æquos rerum aestimatores clarius emicet. Sed ille non tam laude, quæ ejus dignitati æqualis reperiri vix potest, quam silentio, & admiratione prosequendus est.*

*Et Pag. XVII. Animadversionum in Prodro- mum &c. Hi ergo ab omnibus attente legendi sunt, ac præsertim a Tyronibus, qui ingenio ad*

*dignoscendas fallaces à solidis doctrinas non valent.... Concina, qui XII. Tomis Christianam Theologiam fufe, erudite, ac solide tractavit, innumeroſque morales caſus complexus, ſaniorẽ doctrinam contra dominantem laxitatem, & ſubtiles cavillationes, acerrime tutatus eſt.*

# JOANNES LAMIUS FLORENTINUS.

Tom. XI. Novelle Letterarie Pag. 832.

*Biſogna far giuſtizia alla verità: il celebre P. Concina è uomo di molto merito, di molto zelo, di molta buona dottrina: e ſe ſembra alle volte, eccedere nella mordacità, e deriſione, non è però ſtato neppur eſſo in varie occaſioni riſparmiato, e teſtimonio ſiane la indegna Ritrattazione fatta a ſuo nome &c.*

Tom. XVII. p. 216.

*E' paſſato il dì 21. del caduto Febrajo 1756. agli eterni ripoſi il famoſo, e chiariffimo P. Daniello Concina Veneziano de Pred. &c.*

*Ib. p. 250. Il P. Concina è morto, ma dureranno i ſuoi Scritti, e i ſuoi Allievi.*

*Ib. p. 293. Io annunziai la perdita lagrimevole, fatta dalla Religione, e dalla Repubblica delle Lettere per la morte del sì pio, dotto, e zelante P. Daniello Concina dell' Ordine de' Predicatori, di Patria Veneziano; ed eſſendomi pervenuto alle mani il Catalogo delle ſue Opere, lo riſerii; adeſſo da più parti mi è ſtata mandata la Lettera Circolare, ſcritta in occaſione della ſua morte da ſuoi Religioſi; e dico da più parti, perchè è ſtata ſtampata a*

*Venezia, e poi ristampata a Roma, e a Luc-  
ca: onde ancor io stimo mio dovere il què ri-  
stamparla, benchè fatta tradurre dal latino nel  
nostro toscano, potendo ella servire per succinto  
elogio di sì gran Maestro in divinità.*

Recensitis hætenus Auctioribus addendi sunt.  
Appianus Bonafedius Ab. Cœl. acris, eruditi-  
que ingenii scriptor, qui haud leve Conci-  
næ instruit Elogium I. P. libri, cui Epigra-  
phe: *Ritratti poetici, storici, e critici di va-  
rj Moderni Uomini di Lettere*, pag. 33. Venetæ  
editionis Francisci Pitteri A. 1760., ubi ta-  
men mendum, quod, errante fortasse typo, ir-  
repsit, corrigendum; Concina scilicet A. 1677.  
diem vidisse. Præpositus Soli Muratorius in vitâ  
Ludovici Antonii Muratorii, italice scriptâ, &  
Venetiis editâ typis Joannis Baptistæ Pasquali  
pag. 195. & 216. Doctissimi Auctores *Ephemeridum Ecclesiasticarum* (*Nouvelles Ecclesiastiques*) quæ in Galliis evulgantur. P. Fantini  
qui Epistolam, qua peracerbum Concina funus  
nunciatum est, conscripsit, cuique plurimum me  
debere profiteor; Quotquot denique suo calculo  
Concinianas lucubrationes approbarunt, quos  
inter & doctrinâ, & pietate emicant P. Hieronymus Bugatti, illustris Congregationis Barnabitarum Theologus, Anselmus Bortolotti Benedictinus, in Archigymnasio Romano sacrorum Canonum Lector, Philippus a Carboneano Ordinis Minorum, Silvester Episcopus Porphyrien-  
sis, & Sacarii Apostolici Præfectus, Castren-  
sis Scaja, & Joseph Cyrillus Regiæ Neapolita-  
næ Accademiæ Professores; & alii satis multi,  
quo-

quorum de Theologo nostro judicia mss. Venerabilis aservantur, quæque satis multa esse, testis est Eusebius Eranistes tom. V. p. 477. *Lett. Teologico-morali* &c. Plures quidem, gravesque oppugnatores Concina offendit: at eorum scripta non obtinuerunt, ut illius quateretur animus, qui *nec benedictione, nec maledictione movebatur*; proinde ab iis etiam laudes extorsit, quos passus est adversarios. Hos enim Providentia ipsi paraverat, ac decreverat ad augendam nominis ejus, & virtutis famam. Nunquam tamen sibi, vel bonæ causæ defuit Concina, nunquam nisi victor ex arena discessit. Habes, Lector, hisce pagellis arcto, pressoque stylo exaratum Concinæ Elogium, semper tamen infra merita pangendum: habes & Theologorum, qui in laude æternum vivent, de eo judicia, ac testimonia. Perpende nunc grandius Concinæ elogium, catalogum scilicet O-rum huc usque editorum, quem ideo subiicio, ut qui sin minus cæteras Biographorum leges servavi, istius saltem, ut facilioris, executor existam.

## C A T A L O G U S

OPERUM OMNIUM

P. DANIELIS CONCINÆ O. P.

Ad hanc usque diem typis editorum.

**C**ommentarius Historico-Apologeticus in duas dissertationes tributus: quarum altera anticriticis animadversionibus refellit ea, quæ adversus paupertatis disciplinam a D. Patriarcha Dominico constitutam, intemperantior critice, scriptis prodiderunt Continuatores Bollandi, in Commentariis nuper in acta ejusdem Patriarchæ editis: altera eandem disciplinam a laxioribus P. Raphaelis de Pornasio interpretamenti vindicat. Accedunt de origine disciplinæ regularis, primum in Ord. Præd. per B. Raymundum de Vineis XXIII. Magistrum Generalem ejusdem ordinis instauratæ, Dissertatio Historica, & Quæstiuncula moralis de Regularibus Personatis in 4. Venetiis 1736. apud Stephanum Monti. Iterum 1745. Vulgatum legitur Opus sub nomine Caroli Antonii Plantamuræ.

Præfatio ad lectorem, & animadversiones critico-morales in menda Pontasiana cum actuario duorum Casuum, qui in hoc Dictionario desiderabantur. Vide Dictionarium casuum conscientie a Joanne Pontas Prsbytero Gallo concinnatum, editumque typis Venetis apud Antonium Bortoli 1738.

Post editionem Parisiensem A. 1726., prodiit Luxemburgi opus latinitate donatum A. 1731. Hanc editionem excepit Augustana 1733. cum nova latina versione; In hac verò *Menda Pontasiana* prostant, sive *Observationes quædam circa Opus Gallicum Pontasii*, quibus Concina suis occurrit animadversionibus.

*Disciplina Apostolico-Monastica dissertationibus theologicis illustrata, & in duas partes tributa, in quarum una de voto paupertatis vitæ communi circumscripto; in altera de cæteris ejusdem disciplinæ capitibus præcipuis disferitur. Accedunt selecta quædam veterum Theologorum monumenta ad Eñum HANNI-BALEM Card. ALBANUM &c. 4. Venetiis ex typographia Balleoniana 1739.*

*La Quaresima appellante dal foro contentioso d'alcuni recenti Casisti al tribunale del buon senso, e della buona fede del Popolo Cristiano, sopra quel suo precetto del digiuno da accoppiarsi coll' uso delle Carni permesse pel solo nocumento del cibo Quaresimale: in 4. Venezia 1739. appresso Simone Occhi.*

*Ejusdem Operis. Edizione seconda corretta, ed accresciuta &c. In 4. Venezia 1739. appresso Simone Occhi.*

*Item. Terza edizione coll' aggiunta d' un' intera dissertazione, in cui si confuta il libro intitolato: Difesa della Dissertazione Teologico-morale critica de Signori Abate Pietro Coppellotti, ed Arciprete Bartolomeo Casali &c. In 4. Venezia 1744. appresso Simone Occhi. Item 1756. apud eundem.*

*La Disciplina antica, e moderna della Romana Chiesa intorno al sacro quaresimale digiuno, espressa ne' due Brevi Non ambigimus, & in suprema, del regnante sommo Pontefice BENEDETTO XIV., illustrata con osservazioni Storiche, Critiche, e Teologiche, dedicata all' Emo Principe DOMENICO PASSIONEI &c. In 4. 1742. Venezia appresso Simone Occhi. Item 1756. apud eundem.*

*Della storia del Probabilismo, e del Rigorismo dissertazioni Teologiche, Morali, Critiche: nelle quali si spiegano, e dalle sottigliezze de' moderni Probabilisti si difendono i principj fondamentali della Teologia Cristiana. In 4. tom. 2. Venezia appresso Simone Occhi 1743. Opus Emo NEREO CORSINIO dicatum. Ad calcem secundi tomi adjecta est Dissertatio Apologetica adversus Copellorum, & Casalium supra memorata.*

*Epistolæ Theologico-Morales ad Illmum Episcopum N. N. adversus librum inscriptum. Dissertatio in Casus reservatos Venetæ Diocesanos apud Joannem Mariam Lazzaroni. In 4. Venetiis 1744. apud Simon. Occhi. Eodem Anno curata est Editio secunda Veneta.*

*In Rescriptum Benedicti XIV. Pont. Max. ad Postulata septem Archiepiscopi Compostellæ, jejuniis legem spectantia, Commentarius Theologicus. 4. Venetiis 1745. apud Simonem Occhi.*

*Ejusdem Operis: Editio 2. Addita est: Epistola ad Polycarum &c. Sine Auctoris nomine olim sejunctim excusa: Apud eund. 1755.*

*Defensio Decretorum Concilii Tridentini, &*

*Aposto-*

*Apostolicarum Constitutionum Ecclesiae Romanae adversus libros inscriptos. Vita Claustralis, & Vindiciae Regularium. 4. Bononiae 1745. Prostant venales Venetiis. Prodiit sub auspiciis BENEDICTI XIV. Accedunt Censura in Censuram disciplinae Apostolico-Monasticae, & Animadversiones in Epistolam exegeticam P. G. C.*

*Osservazioni critiche, e morali in difesa della storia del Probabilismo, e del Rigorismo contro il libro intitolato. Giustificazione di più Personaggi, ed altri Soggetti ragguardevoli. In Lucca 1744. in 4. Pesaro 1745. appresso Nicola Gavelli, proposte in questa Lettera all' Autore di questa medesima dissertazione.*

*Esame Teologico del libro intitolato: Saggio de' supplementi Teologici, morali, critici, di cui abbisogna la storia del Probabilismo, e Rigorismo &c. Stampato in Lucca l' Anno 1744. dal R. P. Nicolò Ghezzi. Pesaro 1745. appresso Nicola Gavelli.*

*Espliazione di quattro Paradossi, che sono in voga nel nostro secolo. Riflessioni sopra i due libri de RR. PP. Lecchi, e Bovio, intitolati Avvertenze, e Dissertazione &c. Si premette un succinto ragguaglio de' libri stampati da alcuni Probabilisti in difesa del Probabilismo, ed altri punti morali. Addizione di alcune brevi osservazioni sopra l' Estratto, che i RR. PP. Trivolziani hanno fatto del libro del P. Milante intitolato: Vindiciae Regularium &c. all' Eñno QUIRINI &c. In 4. Lucca 1746. per li Fratelli Marescandoli, ad istanza di Simone Occhi. Item 1750. Prodiit quoque gallice Ave-*



nione : *Chez Jean Girard Rue Mercerie 1751.*

*Esposizione del dogma, che la Chiesa Romana propone a credersi intorno l'usura, colla confutazione del libro intitolato: Dell' Impiego del denaro, in 4. Napoli 1746. per Pietro Palumbo. Opus, CAROLO BORBONIO tunc Siciliae, nunc Hispaniarum Regi nuncupatum. Prodiit Iterum Venetiis apud Simonem Occhi 1756.*

*In Epistolam Benedicti XIV. adversus Usuram Commentarius ( eidem Pontifici consecratus ) quo illustratur Doctrina Catholica; Nicolai Broedersen, & aliorum errores refelluntur: 4. Romæ ex Typographia Palladis apud Nicolaum, & Marcum Palearinos.*

*Usura contractus trini, dissertationibus Historico-theologicis demonstrata adversus mollioris Ethices Casuistas, & Nicolaum Broedersen .... Accedunt Appendices duæ ad Commentarium Auctoris adversus Usuram. In 4. Romæ 1746. ex Typographia Palladis. Item ibid. 1748.*

*Epistola ad Polycarum Virum Clarissimum, in qua B. Nicolai Justiniani Veneti Monachatus a fabulis, vanisque commentis asseritur. Tridenti 1746. 4.*

*Memorie storiche sopra l' uso della Cioccolata in tempo di digiuno, esposte in una lettera a Monsig. Illustriss., e Reverendiss. Arcivescovo N. N. In 8. Venezia appresso Simone Occhi 1748.*

*Theologia Christiana Dogmatico-Moralis, summo Pontifici BENEDICTO XIV. feliciter regnanti nuncupata, in decem tomos tributa Quibus accedit Apparatus duobus tomis comprehensus.*

*sus, quorum alter præter decreta, & constitutiones pontificias fidei, morumque rectam tradentes normam, de locis Theologicis, sive de purioris Ethices christianæ fontibus librum exhibet: Alter vero conscientiæ, & probabilismi argumenta duobus distinctis libris pertractat.* 4. Romæ 1749. Prostant venales apud Simonem Occhi. Eo scilicet anno 1749. prodire cœpit Opus. Iterum 1754. & 1758.

*De Sacramento Pœnitentiæ, ejusque Ministro Commentarius Dogmatico-Moralis.* Romæ 1750. 4. Qui licet Theologiæ Christianæ pars sit, separatim tamen distrahitur.

*De Spectaculis Theatralibus Christiano cuique, tum Laico, tum Clerico vetitis, disputationes duæ. Accedit dissertatio tertia de Presbyteris Personatis.* 4. Romæ ex Typographia Apollinæa 1752. apud Hæredes Joannis Laurentii Barbiellini.

*Istruzione de' Confessori, e dei Penitenti per amministrare, e frequentar degnamente il SS. Sacramento della Penitenza.* 8. Venezia appresso Simone Occhi 1753. & 1755. apud eundem.

*De Vita & Rebus gestis P. Thomæ Mariæ Ferrarii Ord. Præd. S. R. E. Card. tit. S. Clementis, libri tres.* 4. Romæ 1755. apud Hæredes Jo. Laurentii Barbiellini in foro Pasquini. Sub auspiciis BENEDICTI XIV. qui Theologiæ Laureâ donatus fuerat a laudato Cardinali, dum Sacri Palatii Apostolici Magistri munere Romæungebatur.

*Della Religione rivelata contra gli Ateisti, Materialisti, Indifferentisti, che negano la ve-*  
rita

*rità de' misterj, Libri cinque. 4. Vol. 2. in Venezia presso Simone Occhi 1754. Impulso BENED. XIV. & sub auspiciis CAROLI EMMANUELIS invictissimi Sardiniae Regis; Quem ad Dominicanæ Familiæ bonum, Rex Regum diu sospitem servet.*

*De' Teatri moderni contrarij alla professione cristiana Libri due, del P. Daniello Concina, in conferma delle sue dissertazioni. De Spectaculis Theatralibus: Alla Santità di N. S. BENEDETTO XIV. 4. Roma 1745. presso gli Eredi Barbiellini Mercanti di libri.*

*De sacramentali absolutione impertienda, aut differenda recidivis, & consuetudinariis Disputatio Theologica. Romæ 1751. & iterum gallice.*

*Ad. R. P. Carolum Nocetium Epistolæ octo de singularibus argumentis, in ejusdem libro inscripto, Veritas vindicata, contentis. Accedunt opiniones laxæ quamplurimæ ex variis Casuistis collectæ. Item censura R. P. Eusebii Amort Canonici Lateranensis in Theologiam Moralem R. P. C. L. C. Item Epistola nona ad eundem P. Carolum Nocetium de nonnullis ejusdem antithetis in Epistolam 2. P. M. Dinelli. 4. Venetiis 1755. apud Simonem Occhi.*

*Theologiæ Christianæ compendium. 4. Vol. 2. Venetiis apud Simonem Occhi 1761. Item ibid. apud Antonium Zatta 1762.*

#### A N E C D O T A.

*Quaresimale. Servatur Romæ.  
Lettere alli RR. PP. Richelmi, e Gagna &c.  
Altre al P. Carpani &c. Venetiis.  
Panegirici. Catechismo.*

# xxxi

## OPERA APOLOGETICA

Pro eod. Auctore,

*Difesa della dottrina dell' Angelico Dottor S. Tommaso sopra l' Articolo Quarto della Q. 154.2.2.4. Lucca 1746. per Filippo Maria Benedini. Hocce opusculum P. Jo. Vincentio Patuzzi Veronensis tribuit P. Bernardus Maria de Rubeis in Commentario . De rebus Congregationis sub titulo B. Jacobi Salomonii in Provincia S. Dominici Venetiarum erectæ, edito Venetiis 1751. typis Jo. Baptistæ Pasquali pag. 490.*

*Lettere Teologico-Morali di Eusebio Eraniſte all' Autore della Raccolta delle molte proposizioni &c. in difesa della Storia del Probabilismo del P. Daniello Concina. Si aggiugne un distinto ragguaglio delle Controversie Letterarie passate tra il detto P. Daniello Concina, e i suoi Avversarij, e de libri stampati dall' una, e dall' altra parte. 8. Vol. 6. in Trento 1751. Iterum ibid 1752.*

*Note Anticritiche di Eudosso Filemo sulla risposta del M.R.P.G.S. alle Lettere Teologico-Morali di Eusebio Eraniſte. 8. in Trento 1752. & 1753.*

*Lettere di Adelfo Caritèo, e Filarmindo Areno, sul libretto pubblicato in risposta alle Lettere Teologico-morali di Eusebio Eraniſte. 8. in Trento 1753, & iterum 1754.*

*Saggi, e Riflessioni sovra i Teatri, e i Giuochi d' azzardo di Gio. Ambrogio Tonischi, con un ragionamento sopra i giuochi d' invito di N. N. 4. Venezia 1755. appresso Simone Occhi.*

*Osservazioni Critiche, nelle quali si confuta il libro intitolato: Dell' Impiego del danaro. 4. in Lucca 1755.*

*Supplemento, o sia Osservaz. ai 7. primi Tomi dell' Istor. Lett. d'Italia.* 8. Vol. 2. Lucca 1753.

*P. Vincentii M. Dinellii Cathedratici Casanatenfis O. P. ad Cavolum Nocetium Soc. J. Theologum, de Danielis Concina in indicandis, describendisq. Casuistarum locis, summâ fide, ac diligentia, Epistolæ.* Romæ, & Venetiis 1754. 4.

*Osservaz. sopra varj punti d' Istoria Letteraria, esposte in alcune Lettere da Eusebio Eraniste al M. R. P. Francesco Antonio Zaccaria, con due appendici; altra in risposta alla quinta Lettera del M. R. P. Filiberto Balla; altra di documenti &c.* 8. Vol. 2. in Venezia 1756. presso Simone Occhi.

*Lettere di Agenore a Filarco suo amico, intorno la quinta Lettera del P. Filiberto Balla, e le Censure di Francesco Antonio Zaccaria, nel tom. VII. della Storia Letteraria. In difesa del P. Concina, ed Eusebio Eraniste. Si aggiugne altra Lettera del P. Fr. Spiridione da Fano intorno alla necessità di correggere le presenti Epatte.* 8. Vol. 2. in Venezia 1746. presso Simone Occhi. Latet sub Agenoris nomine eximius Theologus, Pater Vincentius Maria Miglioli Cremonensis O. P.; a cujus perdocto calamo plura sperare licet.

*Trattato della Regola prossima delle azioni umane, sulla scelta delle Opinioni, in cui si dimostra la falsità, improbabilità, ed assurdità del Sistema Probabilistico, ed il grave pericolo di chi in pratica lo segue. Opera del P. F. Gio. Vincenzo Patuzzi, dell' Ord. de' Pred., Lettore di Sac. Teologia, dedicata all' Eñno Principe CARLO VITTORIO AMEDEO delle LANZE &c.* Voll 4. Vol. 2. Venezia 1758. presso Simone Occhi.

